

Obavještenje o Odluci visokog predstavnika da ukine Nalog o oduzimanju putnih isprava određenim osobama

Br. 05/10

Dana 10 jula/srpnja 2007. godine, visoki predstavnik je koristeći se svojim ovlaštenjima prema članu V Aneksa 10 Općeg okvirnog sporazuma za mir u Bosni i Hercegovini, naložio oduzimanje putnih isprava (Nalozi o oduzimanu putnih isprava) koje pripadaju određenim osobama, u cilju sprečavanja aktivnosti koje opstruiraju ili prijetu da opstruiraju proces provedbe mira koji se odvija pod okriljem Općeg okvirnog sporazuma za mir u Bosni i Hercegovini.

Na osnovu pažljivog razmatranja dalje primjene ovih naloga na neke od osoba na koje se isti odnose i nakon obavljenih konsultacija s relevantnim partnerima odgovornim za sigurnost i provođenje zakona, zaključio sam da više ne postoje razlozi za oduzimanje od strane visokog predstavnika putnih isprava ovih istih određenih osoba. Stoga sam ovim putem odlučio da se nalozi o oduzimanju putnih isprava ukinu za osobe navedene u Prilogu A ovog Obavještenja (u daljem tekstu: Prilog A).

Osobe navedene u Prilogu A će imati pravo da im se vrate putne isprave, uključujući i lične karte, a koje su oduzete na osnovu Naloga o oduzimanju putnih isprava.

Ovakav ishod opravdavaju načela pravednosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite procesa provedbe mira i prava pojedinaca.

Ovom Odlukom ne dovodi se u pitanje validnost nalogâ o

oduzimanju putnih isprava i ti nalozi ostaju na snazi osim u slučaju izričitog ukidanja ovom Odlukom u odnosu na osobe navedene u Prilogu A. Ovom Odlukom se ne daje pravo bilo kojoj osobi navedenoj u Prilogu A na odštetu po osnovu bilo koje naknade, beneficija, privilegija odnosno statusa koje je izgubila kao rezultat primjene nalogâ o oduzimanju putnih isprava.

Ovom Odlukom se prospektivno ukidaju nalozi o oduzimanju putnih isprava Nalozi se ne brišu i ostaju kao sastavni dio zakonodavne evidencije Bosne i Hercegovine.

Ovom Odlukom se ne utječe na bilo koju tekuću ili buduću istragu protiv osoba navedenih u Prilogu A.

Ovom Odlukom se ne utječe na pravo visokog predstavnika da u budućnosti preduzme mjere protiv bilo koje od osoba navedenih u Prilogu A, ukoliko se ustanovi da osoba opstruira ili prijeti da opstruira provedbu Općeg okvirnog sporazuma za mir u Bosni i Hercegovini

Ova Odluka stupa na snagu odmah i ne iziskuje preduzimanje nikakvih dodatnih proceduralnih radnji.

Sarajevo, 8. septembra / rujna 2010.

Dr. Valentin Inzko

Visoki predstavnik